



**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460518

6. Ut lite non contestata, non procedatur ad testium receptionem, vel
sententiam definitivam.

[urn:nbn:de:hbz:466:1-61781](#)

TITULUS VI.

Ut lite non contestatâ non procedatur ad testium receptionem, vel ad sententiam definitivam.

SUMMARIA.

1. Ante litis contestationem non possunt recipi testes, vel ferrî sententia definitiva.

2. Et seqq. proponuntur causus excepti.

s. I.

Hic titulus est veluti appendix præcedentis, in eoque pro regula traditur, quod lite non contestata super causa principali non sint testes recipiendi, aut sententia proferenda: cum super quo testes recipiantur, aut sententia feratur, nihil sit, auctore non tam petente, quam petere volente. *l. amplius ff. Rem rata haberi.* Suffragatur etiam præsens Rubrica: quia recepta Jurisperitorum doctrina est, quod quando rubrica perfectum sensum reddit, jus faciat, & in causarum decisione pro lege allegari valeat; maximè si incipiat per *ut*, vel per *ne*. arg. *l. I. & ibi Gotofred. ff. de Reb. credit.*

s. II.

2. Sed ut omnia alia, ita & hæc regula suas admittit exceptions; quæ respiciunt vel Judicem, vel auctorem, vel reum, vel causam.

Judex nullâ attentâ litis contestatione testes recipere, & examinare potest in processu inquisitionis tam generalis, quam etiam specialis, si criminolus, contra quem præcedente infamia, aliisve indicis sufficienibus determinatè inquiritur, legitimè citatus contumaciter absit. c. quoniam. s. f. sunt & alii. & ibi Vivian. in Rationali. h. r. Panorm. ibid. n. 4.

3. Auctor absque litis contestatione in causis civilibus receptionem testium obtainere potest, si metuat, ne inter litis contestandæ moras pereat copia probationis, eò quod probabile periculum sit, ne testes propter

senium 60. circiter, aut 70. annorum, vel ob infirmitatem, aut in bello, vel navigatione moriantur, aut propter iter in temeritas partes susceptum diu absint, vel etiam ne præsentes negotii fortè valde intricati obliviscantur. Ubi tamen, ut attestations receptæ valeant, requiritur, ut auctor hic & nunc agere impediatur ob ferias, absentiam rei, vel exceptionem aliquam dilatoriam; & simul ut reus, si commodè potest, citetur, vel saltem ut auctor, si reus propter absentiam non malitiosè protractam citat nequeat, intra annum numerandum à die, quo reum convenire potuit, instituat actionem, aut illi denuntiet factam testium receptionem, ne per fraudem reo eripiat conditio objiciendi quid contra testes. Text. & DD. in d. c. quoniam in princ. h. t.

Dixi: *in causis civilibus*: si enim de causis agatur criminaliter, ante item cum reo contestatam testes pro probanda futura accusatione recipi nequeunt, etiamsi criminis probandi copia ob eorum mortem, absentiam, vel oblivionem interitura timetur. Quod sat satis colligitur ex d. c. quoniam ubi à communiregula, quæ testis ante item contestatam non admittuntur, tantum excipitur casus propter periculum morbi, vel absentiae, si civiliter agatur. ergo in criminalibus manet dispositio legis generalis. Nec injuriâ: quia in executionibus poenarum non est adhibendus favor accusatori. arg. *l. auxilium pr. ff. de Mitterib.* & agitur de gravissimo præjudicio rei, quem nocentem absolvi satius est, quam innocentem condemnari. *l. s. ff. de Panis. Vallensis h. t. sub n. 6.*

Reus, sive is, qui se ab alio convenienter, aut accusandum timeret, ante item contestatam quosunque testes ad perpetuam rei memoriam, ut dicitur, & futuram sui defensionem, quandocunque sibi pli-

cet, producere potest, si talem exceptionem, vel defensionem habet, quam non potest per modum actionis proponere, ut sunt exceptiones pacti de non petendo, doli, metus, & plerisque aliae: quia in potestate ipsius non est, quando conveniatur, & ne forte dolosus actor studio exspectet, donec testes, quibus reus exceptionem suam probare posset, moriantur, vel rei gestæ obliviscantur. Secus est, si reo exceptio competit per modum actionis, veluti exceptio non numeratae pecuniae, ubi potest condicere chyrographum: tum enim reus jure actoris censetur, & testes producere nequit. Hartmannus Hartman in *Pratt. forren. l.2. observ. II.*

6 Ceterum quoad hoc actorem inter & eum duæ notabiles differentiae sunt. Prima: quod actor tantum eos testes producere possit, quorum præmatura mors, vel diuturna absentia timetur, non alios; reus vero omnes suos testes producere potest, eti unus tantum, vel nullus sit valetudinarius, senex, vel in longinquas provincias profecturus. c. 41. & 43. de *Testib.* Altera, quod attestations receptæ pro defensione rei in perpetuum valeant, & semper illis reus uti possit, quounque demum tempore lis moveatur; econtra, si actor intra annum cessante impedimento actionem non instituat, neque reo receptionem testimoniū denuntiet, attestations hujusmodi expirant, & ultra nil valent. d. c. quoniam in princ. junctâ l. purè s. s. fin. de *Doli mali,* & metus except.

7 Ob favorem *causa* lite non contestatâ ad testimoniū receptionem, & si de causa liqueat, ad sententiam definitivam procedi potest. I. Si moveatur *quaestio*, an matrimonium subsistat ob allegatum saliquod impedimentum dirimens, & reus legitimè citatus non compareat, sed sit contumax: ne al-

teri conjugi fornicationis occasio præbeatur. d. c. quoniam §. porro h. t. Neque impedit, quod quando de crimen adulterii ad separationem thori, vel dotis restitutio nem agitur, reo etiam contumaciter absente testes recipi, & sententia ferri nequeat ante litis contestationem juxta c. 1. Eod. Si quidem cum haec separatio sit odiosa, neque simpliciter causa matrimonialis, sed potius causa mixta ad separationem, & do tem repetendam, ideo tunc servandus erit ordo judicialis, nec testes recipiendi ante litem contestatam, etiamsi reus sit contumax, quia tunc cessat ratio & favor matrimonialis. Layman in d. c. 1. n. 3. Planè si reus non contumaciter, sed ex alia causa absit, puta si captivus, vel infirmus alibi detineatur, tunc neque in causa matrimoniali proceditur, neque receptio testimoniū valida est. r. 4. b. t. sed exspectatur absens: cum enim sine sua culpa sit absens, & legitimas forte exceptiones habeat ad eliden dam contrariam intentionem, eidem præjudicari non debet.

II. Idem obtinet, si agatur de valore electionis, vel provisionis Ecclesiæ, aut prælaturæ, & reus per contumaciam absit: ne propter longiorem moram Prælatura, vel Ecclesia detrimentum patiatur. d. c. quoniam. §. porro & ibi Innocent. h. t. Quodsi vero reus aliter, quam ex contumacia absit, tunc plerumque arbitrio judicis ad certum aliquod tempus juxta exigentiam causæ, & qualitatem absentie reus prius citari, & exspectari debet, atque postea primum procedi; observatis tamen iis temporibus quæ in certis casibus à jure sunt determinata v. g. circa consensum ab electo præstandum intra mensem. ut in *Tit. de Elect. n. 84.* dictum. Videatur Gloss. ad d. c. quoniam. §. Porro. ubi haec prolixè ducit.

Porro in aliis causis, etiamsi reus sit con-

N n 3

ta-

tumax, & tertio, vel semel peremptoriè citatus comparere nolit, tamen testes recipi non possunt, sed poterit vel actor mitti in possessionem bonorum, sàpe d. c. quoniam §. si in aliis, vel reus excommunicari, si causa talis sit, in qua immissio in bona fieri nequeat. c. 3. Eod. & pluribus expinetur infra in Tit. XIV. & XV.

TITULUS VII. De Juramento Calumniae.

SUMMARIA.

1. Juramentum calumniae definito. 2. & divisio.
3. Juramentum calumniae speciale potest exigi post generale.
4. 5. 6. Ultrumque est inventum à jure possum. 7. 8. ideo per statutum, vel consuetudinem abrogari potest.
9. Usque 13. A quibus. 13. Usque 19. in quibus causis. 19. usque 24. & quo modo prestandum sit?
24. Hujus juramenti necessitas. 25. 26. & effectus.
27. & seqq. De Panare cuiusantis juramentum calumniae.

Facta litis contestatione juratur de calumnia vitanda, ut notat Panorm. ad Rubr. h.s. §. I.

I Definitur Juramentum calumniae, quod sit religiosa asseveratio, quâ uterque litigantium affirmat, & promittit, se nihil calumniae causâ agere, vel acturum esse, sed quod omnino justam sibi causam, aut defensionem esse credat. Colligitur ex §. I. Inst. de Pan. rem. litig. l. I. & 2. cum auth. subnexis. C. de Jurejur. propter calumn.

§. II.

2. Dividitur Juramentum calumniae in speciale & generale. Speciale vulgo dicitur *juramentum malitia*, germanice der Eyd der Bosheit / & est illud, quod in singulis actibus, prout quidque in litem incidet, quando cunque exigitur, & ad illum duntaxat actum incidentem pertinet; veluti si quis novum opus nuntiet: h. s. 14. ff.

de Operis novi nunt. si quis petat rationes, instrumenta, aut jura edi: l. 6. §. 2. f. d. Edendo. si quis probationes exposcat: d. l. 1. C. de Jurejur. prop. calumn. si quis instrumentum falsum esse dicat. l. fin. C. de Fide instrum. si quis post attestationum publicationem primù velit excipere contra personas testimoni. c. 3. 1. de Testibus &c. Generale usitata phrasij *Juramentum calumniae vernacula* der Eyd für Gefährde/ vocatur, estque illud, quod in primordio ejusque litis utraque pars præstat, quo pollicetur, nihil in toto negotio calumniae causâ facilitatum iri. Hinc jure novissimo hoc juramentum ad omnes articulos illius causa porrigitur, ita ut circa singulos censeatur repetitum. auth. hoc Sacramentum. C. de Jurejur. prop. calum. Novel. 49. c. 3. §. fin. Anne igitur juramentum malitia exigitnequit, postquam jam de calumnia vita semel in causa generaliter juratum est? Ia putat Treutl. p. 1. diss. 21. th. 2. lit. C. & nonnulli alii. Sed contraria sententia facile deducitur ex Novel. 73. c. 7. & Novel. 100. c. 4. ac in terminis deciditur in c. 2. f. fin. b. t. in 6. Judicem quoties sibi expedire videtur, & iuspicio est, maliciose aliquid ab actore proponi, vel à reo excipi, juramentum malitiæ exigere posse, tametsi de calumnia juratum sit. Ratio est: quia magis solet deterrere juramentum recens, & speciale, quam juramentum generaliter, & forte ante aliquot annos præstitum. Nique adversatur, quin potius faveat d. Novel. 49. §. fin. & transumpta auth. hoc Sacramentum. ibi enim tantum traditur, quod præstito generali juramento calumniae, postea, si pars probationem requirat, non teneatur hoc speciale juramentum præstare: cum in generali juramento hoc caput de non requirendis non necessariis probationibus, specialiter comprehendatur. In aliis ergo